

Newspaper	UTUSAN MALAYSIA
Date	18 JUNE 2016

'Terima kasih Perdana Menteri, sebab beri Ecah dram'

wm-18/6/2016

SABAK BERNAM 17 Jun - Siti Nuraisyah Sahrin, 13, seolah-olah rasa bermimpi apabila melihat set alat muzik dram yang begitu diidam-idamkannya selama ini ada di depan mata.

Perasaan remaja itu yang lebih mesra dipanggil Ecah bercampur-baur, antara sebak dan gembira.

Namun, apa yang membuatnya lebih terharu adalah dram tersebut merupakan hadiah daripada Perdana Menteri, Datuk Seri Najib Tun Razak sebagai memenuhi impiannya.

"Terkejut, macam tidak percaya. Pada mulanya saya tidak yakin dram ada di depan mata.

"Terima kasih PM (Najib) sebab beri Ecah dram. Saya janji akan belajar bermain dram sampai pandai," katanya.

Dia ditemui di rumahnya di Sungai Besar di sini, hari ini.

Jumaat lalu, Najib merealisasikan impian Ecah yang hilang kedua-dua belah kaki akibat digilis lori semasa dalam perjalanan pulang ke rumah dari sekolah, untuk berjumpa dengannya selepas membaca permintaan gadis itu dalam Utusan Malaysia walaupun mempunyai jadual padat.

Najib yang bergegas dari Putrajaya selepas menyampaikan anugerah Usahawan Gemilang Empower ECER di Perdana Putra, berjumpa dengan Ecah dalam satu majlis ringkas di Masjid Al Mukmin Taliair 12, Sungai Nibong sebaik sahaja selesai menunaikan solat sunat tarawih.

Kesempatan itu diambil Ecah yang sebelum ini turut menerima sumbangan peribadi Najib dan isterinya, Datin Seri Rosmah Mansor untuk bertanyakan pelbagai soalan kepada pemimpin negara itu.

Ecah memberitahu, selepas ini dia mahu mengikuti kelas be-



SITI NURAI SYAH SAHRIN menunjukkan poster khas untuk Perdana Menteri sebagai tanda terima kasih atas pemberian hadiah dram di Sungai Besar, Selangor, semalam. - UTUSAN/SAHARUDDIN ABDULLAH

lajar bermain dram supaya mahir dengan alat muzik itu.

Dia juga berhasrat menemui idolanya, Nur Amirah Syahira

Azizul Abidin, 12, yang hebat bermain dram sehingga dinobatkan juara dalam pertandingan Astro Ceria All Star.

"Saya nak pandai bermain seperti Amirah supaya dapat jadi pemain dram terkenal. Insya-Alah," ujarnya.